



KOMUNIKADO PA PRENSA

Fecha

12 di aprel 2017

Kolaboradó di Maneho

Jahaira Nahr

Email

jahaira.nahr@gobiernu.cw

Konstrukshon proyekto Rotònde Sentro Deportivo Kòrsou den su fase final

Willemstad - Entrante 19 di aprel próksimo ta kuminsá traha riba finalisashon di Kaminda Andrew Jones net na altura di e pida kaya entre Vondelstraat i Kaya Karko. E parti aki di e kaminda ta bai haña su último kapa di asfalt. Minister Jaime Cordoba i Obra Públiko ta pidi outomobilistanan pa kore ku koutela den e área menshoná ya ku e trabounan por okashoná sierto inkombeniensiá.

E trayekto aki ta forma parti di e proyekto Rotònde Sentro Deportivo Kòrsou. Konstrukshon di e rotònde a yuda krea mas seguridat den tráfiko den e área di SDK. E rotònde ta kla i ta falta nèt un último kapa di asfalt riba e kaya menshoná pa terminá e proyekto den su totalidat.

Pa evitá ku ta sera tur kaya na mes momentu e proyekto kompleto a tuma lugá den fase. E trabounan di e último fase aki tin un durashon di tres siman. Pa mantené òrdu den tráfiko diario den e área, ta pone bòrchinan ku ta mustra outomobilistanan riba e desviashonnan. Obra Públiko ta pidi komprension pa eventual molèster di e kambionan temporal.